

Tasga n Tutlayt d Yidles n Tmaziyt

Aseggas amezwaru

Akayad n umesdis 1^u

Almud : Tasnilest Tamatut

Tanekwa :.....
Isem :
Agraw:

Asteqsi I - S kra n wawalen, ini-d d acu iwumi nsemma deg tesnilest *tutlayt yemmuten*, *tutlayt yettmattaten*, *tutlayt yeddren*, *tutlayt timawt*, *tutlayt tunsibt*. Efkd amedya yef yal yiwet deg-sent.

1▪ *tutlayt yemmuten* : **D tutlayt ur nessi insiwlen (ur yelli ula d yiwen n umsiwel i tt-yettmeslayen d tutlayt n tyemmat)**.....

amedya : ...tasumarit, talatinit, tafniqt,

2▪ *tutlayt yeddren* : ...**D tutlayt ilan wid i tt-ittmeslayen d tutlayt n tyemmat**. Tutlayt yeddren d tutlayt tamezwarut i ilemmed umdan yer yimawlan-is, mi ara d-ilal

amedya :talmanit, taqbaylit, tagnizit.....

3▪ *tutlayt timawt* : ...**D tutlayt ur nessemmas ara tira (tutlayt war tira)**.....

.....

amedya : ...taerabt tayerfant (darğa).....

4▪ *tutlayt tunsibt* : **D tutlayt yessemras uwanek deg kra n tayulin ilan assay d udabu : tadbelt, taydemt, azerbaij...** Azayer unsib n tutlayt ad t-naf yura deg yidrisen izerfanen am tmendawt.

amedya : tagnizit (deg Marikan, Kanada,); tafransist (deg Fransa, kra n tmura n tefriqt...).

Asteqsi wis II - Ini-d acuyer ur tezmir ara tutlayt timawt ad tili d tunsibt

Azayer n tutlayt tunsibt d amkan asertan-azerfan i tettay tutlayt deg tmurt i tt-yessemrasen. D azayer-a ara tt-yawin ad tekcem deg tayulin yecban tadamsa, tasertit, tussna, allalen n taywalt ney deg tisudutin n tmurt am teydemt, ayerbaz, tadbelt... Deg tayulin d tsudutin yecban ti, tira tesea azal d ameqqran; d tutlayt yuran i nessemras. D amedya, war tira tutlayt ur tettili ara deg tedbelt, deg uselmed, atg. Gef waya tutlayt timawt ur tezmir ara ad tili d tunsibt.

.....

.....

Asteqsi wis III – Segzi-d amek i nezmer ad d-nini llan wassayen n timmarewt gar kra n tutlayin. Efkd imedyaten yef waya deg snat (ney ugar n snat) n tutlayin.

Iwakken ad nessiwed ad d-nini llan wassayen n timmarewt gar snat (ney nnig n snat) n tutlayin, ilaq ad d-naf anziyen (amcابه) gar-aset deg krad n yiswiren : imesla, amawal, tajerrumt. Nnig n waya, anziyen-a ur ttilin ara d iretalen. D amedya, ur nezmer ad d-nini llan wassayen n timmarewt gar teqbaylit d tefransist yas akken kra n wawalen n teqbaylit ttaken anzi yer wid n tefransist deg talya akked unamek : *lfista/veste ; atriku/tricot ; tamacwart/mouchoir*. Awalen *lfista, atriku, tamacwart* d iretalen, kkan-d seg tefransist.

Ihi, assayen n timmarewt ttilin mi ara nekkas iretalen. Aya nezmer ad t-nwali ama deg temsislit, deg umawal ney deg tjerrumt n tutlayin n umaḍal. Wi d imedyaten deg krad n tutlayin tilatiniyin deg wayen yerzan amawal (ismawen n yimḍanen d ismawen n tfekka) :

Tafransist : - un, deux, trois, quatre, cinq, six, sept, huit, neuf, dix

- bras, pied, main, doigt, tête, visage, nez, oreille

taṭelyanit: - uno, due, tre, quattro, cinque, sei, sette, otto, nove, dieci

- braccio, piede, mano, dito, testa, viso, naso, orecchio

taspenyulit : - uno, dos, tres, cuatro, cinco, seis, siete, ocho, nueve, diez

- brazo, pie, mano, dedo, cabeza, cara, nariz, oreja